

禪位于輕皇子、是爲天萬豐日天皇實大臣之本意也。識者云、君子不食言、見于今日矣。奉號於天豐財重日天皇曰、皇祖母尊以中大兄爲皇太子、改元爲大化。詔曰、社稷獲安、寔賴公力。車書同軌、抑又此舉。仍拜大錦冠、授內臣封二千戶。軍國機要、任公處分。大臣訪求林藪、搜楊仄陋、人得其官、野无遺材。所以九官克序、五品咸諧。白鳳五年秋八月、詔曰、尚道任賢、先王彝則。袁功報德、聖人格言。其大錦冠內臣中臣連、功侔建內宿禰位、未允民之望。超拜紫冠、增封八千戶。俄而天萬豐日天皇已厭萬機、登遐白雲。皇祖母尊俯從物願、再應寶曆。悉以庶務委皇太子、皇太子每事諮詢、然後施行。於是抗海梯山、朝貢不絕。擊壤鼓腹、鄉里稍多非君聖臣賢。而何致茲美。故遷大紫冠、進爵爲公、增封五千戶。前後并凡一萬五千戶。

〔扶桑略記五天智〕七年十月十三日、內臣鎌足任內大臣、此時始改中大臣姓賜藤原朝臣授大織冠正一位。大臣性仁孝聰明叡哲、玄靈深遠。幼年好學、博涉書傳。爲人偉雅、風姿特秀。前看若偃、後見如伏。先後賜封都合一萬五千戶也。

〔常陸風土記久慈郡〕至淡海大津大朝光宅天皇天智之世、遣使檢藤原內大臣足鎌之封戶、輕直里麻呂造堤成池。

〔續日本紀二武〕大寶元年七月壬辰、勅略。壬申年功臣隨功第亦賜食封、並各有差。又勅先朝論功行封時、賜村國小依百二十戶、常麻公國見縣犬養連大伴、榎井連小君、書直知德、書首尼麻呂、黃文造大伴、大伴連馬來田、大伴連御行、阿倍普勢、臣御主人、神麻加牟陀君兒首十一作十一、一本恐是一百戶。若櫻部臣五百瀨、佐伯連大目、牟宜都君比呂、和爾部君手四人各八十戶、凡十五人賞。雖各異而同居中第、宜依令四分之一傳子。

〔續日本紀三文武〕大寶三年二月丁未、詔從四位下下毛野朝臣古麻呂等四人預定律令、宜議功賞。於是古麻呂及從五位下伊吉連、博德並賜田十町、封百一本補一百戶、五十戶、贈正五位上調忌寸老人之男田